



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1725. usque ad annum 1728

Fleury, Claude

August. Vind. [u.a.], 1784

VD18 13322648

§. 57. Jansenistæ in plures factiones scissi.

[urn:nbn:de:hbz:466:1-67667](https://nbn-resolving.org/urn:nbn:de:hbz:466:1-67667)

nomine Calvinistas acrius urgeret, ut tandem æquis Catholicorum postulationibus deferrent, Badenum Comitatum & Urbem se reddituros spondebant, paulopost tamen sui promissi immemores, aliena detinere continuaverunt, caussati, quod Catholici Calvinianæ sectæ exercitium in restitutis urbibus omnino eliminare molirentur: Nil ergo spei reliquum erat Catholicis, nisi ut pro recuperandis suis juribus, ac ditionibus ad Sueffionensem Congressum recurrerent, suasque necessitates Catholicis Principum Legatis illuc agentibus perimpense commendant.

Sæc. XVIII.
A. C. 1728.

§. LVII.

Jansenistæ in plures factiones scissi.

Sub idem tempus Parisiis innotuit, Jansenistas in Hollandiam olim profugos schismate inter se exorto in plures abire sectas, acriterque inter se dimicare: nec id mirum; raro enim Sectariorum factio diu concors atque unita subsistit; sua quippe incunabula schismati debet, unde sequitur, quod, cum adoleverit, non alias proles, quam nova progerminet schismata, quibus ejusmodi Sectarii in plures factiones

Hist. Eccles. Tom. LXXII. Yy scissi,

Sæc. XVII. scissi, plerumque semetipsos conficiunt.
A. C. 1728. Tale diffensionis monstrum Amstello-
dami & Ultrajecti hoc anno fuisse pro-
genitum, vel invitus prodebat Theo-
doricus ferventissimus Quesnelli Secta-
tor, qui hoc arcanum cuidam Pari-
siensi Amico suo communicabat, misso
in Franciam tabellario, cujus tamen
literæ Regis jussu interceptæ in Lu-
paræ scriniis asservantur. Nuntiaba-
tur ergo, hosce Jansenistas novissimè
in tres potissimum sectas discessisse.
Prima eorum petiit, certum suæ fa-
ctionis Episcoporum numerum consti-
tui, ut subinde Concilia celebrari pos-
sent, ita tamen, ut hi nonnisi a Babilo-
nensi Episcopo consecrarentur, insuper-
habita excommunicatione, qua hic irre-
titus erat. Horum tamen consilia suo
cârere successu, partibus uti genio,
ita & sententia inter se longissime re-
motis. Secta altera orièbatur ex di-
versitate opinionum circa usuram in
tota Hollandia usitatam; hanc enim
licitam, & a Deo nullatenus prohibi-
tam Jansenistarum nonnulli asserèbant,
illos verò, qui oppositæ favebant opi-
nioni, acriter insectabantur, veriti,
ne una omnes ex Hollandia ejicerentur;
si has usuras damnantium sententia
Batavis Calvinistis innotesceret. Ter-
tia demum factio constabat ex agmine
illo.

illorum Jansenistarum, qui fanatici, Sæc. XVIII.
 & figuristæ appellabantur, eo quod non- A. C. 1728.
 nisi in figuris loquerentur, & quic-
 quid in sua phantasia penitus depra-
 vata excoxerant, illud omne ceu ve-
 ritates minime dubias adorari postula-
 rent, cunctisque, qui eorum somniis
 fidem adhibere renuerunt, apertum
 bellum indicerent. Tam horrenda
 nempe monstra progerminat privati
 spiritus, schismatisque monstrum.

§. LVIII.

*Noaillius Cardinalis sensim saniora
 edoctus.*

Compertis hisce Quesnellistarum de-
 liriis Noaillius Cardinalis rubore
 suffusus, alte ingemuit, quod perversis
 aliorum consiliis deceptus, fanatico-
 rum ac rebellium factioni nomen de-
 didisset: manifestius adhuc eorum mali-
 tiam, & iniquas fraudum machinas
 detexerat, postquam ab ipso Regio
 Procuratore Generali, & Grandmo-
 tiæ Ducissa ejus Nepte compererat, quod
 octo Episcopi Appellantes die septima
 Maij publico scripto adversus omnia in
 Embrodunensi Concilio decreta recla-
 marint, illisque, qui huic oppositioni
 subscripserant, ipsum quoque Noaillii
 nomen addiderint. Hoc intellecto Car-

Yy 2

dina